FY, LET US A' TO THE BRIDAL.

AND fy, let us a' to the bridal, For there will be lilting there; For Jock's to be married to Jenny, The lass wi' the gowden hair: And there will be lang kail and castocks, And bannocks o' barley meal, And there will be gude fawt herrings, To relish a cogue of gude ale.

Fy, let us a' to the bridal, &c.

And there will be Sawndy the futor, And Will wi' the meikle mow, And there will be Tam the bluter, Wi' Andrew the tinker, I trow; And there will be bow-legged Robbie, With thumbless Katie's gude man, And there will be blue-cheeked Dobie, And Lawrie the laird of the land. Fy, let us a' to the bridal, &c. And there will be girn-again Gibbie, Wi' his glakit wife, Jenny Bell; And misle-shinn'd Mungo Mackapie, The lad that was skipper himsel'; There lads and laffes in pearlings, Will feast in the heart of the ha', On fybows, and rifarts, and carlings, That are baith fodden and raw. Fy, let us a' to the bridal, &c.

And there will be laper'd milk kebbucks And fowens, and farles, and baps, Wi' fwats and well-scraped paunches, And brandy in stoups and in caps; And there will be buckies and partans, Wi' skink, to sup till ye rive; And roasts to roast on a brander Of flowks that were taken alive. Fy, let us a' to the bridal, &c.

Scrap'd haddocks, wilks, dilfe, and tangles, And a mill of gude fnishin to prie; When weary with eating and drinking We'll rife up and dance till we die.

Then, fy, let us a' to the bridal, For there will be lilting there: For Jock's to be married to Jenny, The lass wi' the gowden hair.

